

Il Grischun survegn pli pauc

Transfer da pagaments tranter chantuns 2012

■ (anr) Il cussegl federal ha fixà tge chantuns che survegnan per l'onn proxim quant en il rom da la gulivaziun finanziaria interchantunala. Per il Grischun èsi 273,4 milliuns. Visavi l'import per quest onn èn quai 9,3 milliuns francs pli pauc. Las cifras provisorias èn vegnidas communitgadas la stad passada. Ussa ha il cussegl federal fixà definitivamain la summa per quest transfer da pajaments.

Tgi sto pajar dapli?

Bler dapli che per 2011 ston ils chantuns Geneva, Sviz e Zug pajar. Per Geneva èn quai 246 milliuns (2011: 219). Per Sviz è la contribuziun vegnida auzada dad 80 sin 106 milliuns e per Zug da 240 sin 262 milliuns. Dapli ston er ils dus chantuns da Basilea contribuir. Bler damain tutga igl al chantun Vad.

Turitg paja damain – Berna survegn dapli

Il pli grond pajader netto resta il chantun Turitg cun 428 milliuns. Mo quai èn 63 milliuns pli pauc che per 2011. Il pli fitg profitescha il chantun da Berna cun 1,064 milliardas u 118 milliuns

dapli che 2011. Sin plaz dus dals re-tschaviders è il chantun Vallais cun 524 (2011: 529), suandà da Friburg cun 469 (2011: 487). Per abitant survegnan ils Uranais il pli bler cun 2485 francs.

Conseguenza da la crisa economica

Per gulivar las resursas stattan en tut 3,573 milliardas francs a disposiziun, u 1,7 pertschient pli pauc che per 2011. Ina raschun persuerter è la pli flaivla economia ch'è s'effectuada. I enavos per 5,2 pertschient è il potenzial da resursas tar ils chantuns cun fermas finanzas. Las resursas da tuts chantuns èn sa sminuidas per 2,9 pertschient visavi l'onn passà.

La confederaziun ha da pajar dapli

Da pajar pli bler – era pervi da cum-pensaziuns extraordinarias en l'import da 81,2 milliuns – per la gulivaziun verticala da las resursas ha la confederaziun cun 2,12 milliardas u 0,9 pertschient dapli che per quest onn. L'import da la confederaziun per gulivar ils burdis fa ora per 2012 strusch 738 milliuns, u 33 milliuns dapli che per quest onn.



Gulivaziun da finanzas tranter confederaziun e chantuns.